



## UGOVOR o javnoj nabavci vode i odvođenju i prečišćavanju otpadnih voda

KJKP "Sarajevogas" d.o.o. Sarajevo, Trg Fadile Odžaković Žute br. 4, Sarajevo  
Koga zastupa: V.D. Direktor Preduzeća Sejfo Ušanović, dipl.oec., (u daljem tekstu: Kupac)

i

KJKP "Vodovod i kanalizacija" d.o.o. Sarajevo, Ul. Jaroslava Černija br.8, 71000 Sarajevo,  
Koga zastupa: Direktor Enver Hadžiahmetović, dipl.ing.maš., (u daljem tekstu: Prodavac)

### Član 1.

Predmet ovog ugovora je nabavka vode za potrebe KJKP Sarajevogas d.o.o. Sarajevo u 2020. godini, kao i odvođenje i prečišćavanje otpadnih voda, očitavanje i obračun za potrošenu vodu u postupku nabavke broj: IZJN-05-01/20 koji je na osnovu člana 10. stav 1. tačka d) izuzet od primjene Zakona o javnim nabavkama. Prodavac je dostavio svoju ponudu na specifikaciji kupca broj: SP-OJ04-IZJN-05-01/20-01 i osnovnim elementima ponude, koji su priloženi ovom ugovoru i predstavljaju njegov sastavni dio.

### Član 2.

Prodavac se obavezuje na isporuku vode iz vodovodne mreže u vremenu i količinama koje dozvoljavaju tehničke mogućnosti vodovodne mreže, na kojoj je Kupac priključen.

### Član 3.

Okvirna godišnja ugovorna vrijednost komunalnih usluga iz tačke 1. ovog ugovora na osnovu planirane potrošnje od 4.700 m<sup>3</sup> i odvoda i prečišćavanja odvodnih voda za šest (6) objekata, iznosi bez PDV-a: **15.432,00 KM, slovima (petnaest hiljada četiristitinetridest dva KM).**

Kupac se obavezuje plaćati utrošenu vodu po cijeni od **3,12 KM** bez PDV-a za 1 m<sup>3</sup> očitane potrošnje, odnosno po cijeni od 3,65 KM sa PDV-om, te PVN za korištenje i zaštitu po cijeni od **0,05 KM/m<sup>3</sup>**. Kupac se također obavezuje da prodavcu plati fiksni dio za jedno potrošno mjesto sa vodomjerom profila 50-100 mm po mjesečnoj cijeni od **20,00 KM** bez PDV-a, kao i fiksni dio za šest potrošnih mjesta sa vodomjerima profila do 40 mm po mjesečnoj cijeni od **4,00 KM** po vodomjeru bez PDV-a.

### Član 4.

Prodavac može uskratiti pružanje isporuke vode:

- Zbog neplaćanja računa za iskorištenu komunalnu uslugu u ugovorenom roku,
- Zbog nenamjenskog korištenja komunalne usluge u vrijeme otežanog snabdijevanja, odnosno snabdijevanja uz ograničenje potrošnje (redukcije),
- Zbog onemogućavanja pregleda zajedničkih i unutrašnjih instalacija ovlaštenom predstavniku Prodavca,
- Zbog korištenja usluge protivno propisima ili ugovoru,
- Zbog neosnovanog ometanja drugih kupaca.

### Član 5.

Kupac se obavezuje svoje instalacije održavati u ispravnom stanju.

### Član 6.

Utvrđivanje količine utrošene vode vrši se očitanjem vodomjera od strane ovlaštenog uposlenika Prodavca. Očitavanje vodomjera će se obavljati jednom mjesečno.

### Član 7.

Prodavac će obračun isporučene vode vršiti po jediničnim cijenama iz priloga ovom ugovoru. Kupac se obavezuje vršiti plaćanje utrošene vode u roku od **15 dana** od dana prijema računa, na transakcijski račun Prodavca.



**Član 8.**

Prodavac i kupac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

**Član 9.**

Ukoliko kupac u ugovornom roku iz člana 7. ovog ugovora ne plati cijenu za isporučenu vodu obavezan je prodavcu robe isplatiti i zateznu kamatu u skladu sa zakonom i drugim propisima koji uređuju ovaj institut.

**Član 10.**

Ovaj ugovor se zaključuje na period od (1) jedne godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

**Član 11.**

Ugovorne strane su saglasne da prodavac roba neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao stručna lica naručioca u pripremi prijedloga za dodjelu navedenog ugovora o javnoj nabavi.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 12.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

**Član 13.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

**Član 14.**

Sve nesporazume do kojih dode u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Prodavca:**

Direktor

Direktor Enver Hadžiahmetović, dipl.ing.maš.

Broj ugovora: 18/20

23-01-2020

**Za Kupca:**

V.D Direktor Preduzeća

Sejfo Ušanović, dipl.oec.

Izvršni direktor

Mr. Mehmed Mehović, dipl.oec.

Broj ugovora: 11/20

Voditelj referentne  
za javne nabave  
Adem

Emir

Kapit

Pravna tehnički sekretar

15-01-2020